

上清太玄鑑誠論

姑射山神居洞太玄子撰

頌曰

直言至訣貞 何必懼人情 指引清涼路 提攜業火坑  
 不圖君子重 孰怕小兒輕 語默依天理 忠心話普平  
 夫大道寂寂無形 寥寥無象 元和混太始之先 玄微稟天地之  
 外 自然虛無 生從有象 象感杳冥之中 法至空寂之理 真氣變  
 真 真精變神 神真合道 道者一也 一生二 二生三 三生萬  
 物 萬物之中 人最靈最貴 貴在修真 真者常也 為人日用而  
 不知 知者至在人之心也 心者兌中之神是也 神中有真 真  
 本圓明 性從清淨 隨情錯亂 背反正真 不念你生從何來 死歸  
 何去 且過去事休思 未來事莫想 你不明 取現前一著 管交你  
 脫脫灑灑 露露堂堂地 做箇分明底漢 天地不收 鬼神不管 身  
 若太空 性同無侶 在陽而不焦 託陰而不腐 水火不能害 山海  
 無由阻 通天透地 穿金貫石 孤然自在 獨體逍遙 變箇日月光  
 明 便是圓滿法身 如此者 知其實也 未免遷途 終身有誤 全

上清太玄鑑誠論

清微藏書閣

其聖功 可以超生出死 何以故 如銅鐵鑄像 須用範模 若以修  
 仙 須憑師匠 指訣玄機 分明主客 動靜 清濁 昇降 浮沉  
 三要內外 有無此法者 混而歸一 至在清淨修鍊 莫不向有為中  
 作 得此法妙機 由然有礙 玄微妙法 不可亂說 略而言之 臨  
 危一著 認取規中大小細微 辨正無差 至死終身無礙 若依此法  
 後付天機 太上曰 見小曰明 又曰 死而不亡謂之壽 平叔曰  
 毫髮差殊不結丹 又曰 共神仙子細論 你卻莫道 妄言惑眾  
 隨人生死 誤人性命 若有如此之心 天地不祐 左眼滴膿 右眼  
 滴血 剜身萬段 永墮酆都 世不受生 有一等鈍根淺智 心生不  
 信 競起人我 暗地裏說是說非 知他那裏偷得一兩句迷言謎語  
 皂黑角裏轉轉地惑人 自己不行勸人清淨 常作畜生行當 喫草見  
 識 酒色財氣不除 慳貪嫉妒不斷 每日家中喂妻抱子 遊言野語  
 豈能成其正覺 若不真履實踐 豈不誤了前程

頌曰

嫉妒轉生嗔 邪淫性不仁 朝朝貪利路 日日戀紅塵  
 豬狗常為伴 狐狸日夜親 色心猶未斷 何幸論天真

道眾欲要修仙 須憑慷慨 一刀兩段 割愛離親 除情去慾  
損念忘機 冰清玉潔 一志無疑 參師訪道 志誠堅修 太上曰  
雖有榮觀 燕處超然 超然者 遠避不居也 又經曰 但凡修道  
避靜深山幽玄石洞 絕於雞犬 斷卻是非 一心內覓 無勞外求  
是謂諸念不生 萬緣不染 方可做箇出家兒 便是箇無礙底閑人道  
眾 自古至今 也無一箇偃妻成道 抱子登仙 余今勸你 卻然忿  
怒 常常發火 卻言列子在家成道時 不曉事漢 列子是大聖人  
也 在家為隱士 你莫待也做箇隱士去也

頌曰

說者飛龍前 行之跛蹇後 修仙果未成 作業功先就  
貪淫似野禽 好色過山獸 當作畜生心 勿思天地祐  
當本之日 燒香發願 求師訪道也 人言人語說得來 覓縫不  
著 元來口頭不似心頭 便教我與他說開妙道 鑿破天機 我也喚  
則是箇人養底漢 卻元來是箇眾生 如今稍悟得些小法度 便早滑  
頭捏怪 把他人便著詩詞嘲撥 心生狡行 意作不仁 多能己勝  
自立門風 道眾世中有這般賢士 怎不教人冷笑 更每日間瞞天昧

## 上清太玄鑑

## 誠論

## 清微藏書閣

地 背義負心 恩返生怨 自誇頓悟 道我心開 罵師呵祖 並無  
罪過 休道無罪過 你且試觸著 這管交你大人廳下 看打你那驢  
孔也 無不道人之性命 皆因大道所運 暗察人之善惡 經云 天  
網恢恢 疏而不失 你見今世好醜 富貴 貧賤 所因前世修種到  
來 你早道了達天機 卻道諸事無礙 有日天罰 教你耳聾眼瞎癱  
瘓 似恁地如何轉變 怎生體用 全無功行 便早要做神仙 卻怕  
你不肯 違天負地 暗地不仁 貪色好討 破戒犯願 似恁地作業  
造罪 有日天開跟折 罰你那死屍管下稍 懊無盡期 我為你授了  
這業積累觀子滿 後教你那畫眉蟲 養箇人身獸面底怪物 卻教人  
擘口笑時著慚麼懼 更不敢論道說修行 怕你不信時 久後交人識  
看著

頌曰

學道無剛烈 空將巧論舌 常存意馬顛 每使心猿劣  
暗地色情魔 人前誇淨潔 虧心業報深 有日天公折  
道眾 此等眾生 求真有殺師害父之心 背道有淫親污戚之意  
何以故 求真問道得法 返生冤報 恩不掛懷 怨常在念 豈不

是殺師害父之邪 既然學道 貪愛不斷 色心不除 常作豬狗見識  
牛驢行當 豈不是淫親污戚之意 佛言一切男兒是我父 一切女  
人是我母 似恁這般作為 更望做好人 每日家由更翫弄我 你待  
惱我 我更不愀 何為不愀 愚輩似糞土之為 若無糞土 草木不  
生 若無愚輩 賢人不發 被一等眾生廝惱廝害 說是說非 更早  
自誇伶俐 是則你也伶俐 會得些小法也 能馳騁偷得一兩句言語  
便使滅門斷頭 可知道恩生於害

頌曰

布惠恩生害 慈悲返作冤 朝朝迷酒色 日日戀腥膻  
又取他人火 不除自己煙 勸君休狡佞 照鑑有青天  
更有得法一等 纔時得法 未能解悟 卻早到付囑我如此天機  
不可亂傳與人 及至背我 他早別立門風 毀謗先賢 可知道教  
成一箇 不如拾殺一箇 似這般沒前程行當 豈不是打地獄底朴子  
未能修行學道 早先作業造罪 更兼賣道為生 積法求食 茶來  
茶言 酒來酒語 兩兩三三 一攢一簇 更說是說非 道人長短  
卻不自斟酌 那死人身軀 到哩哩去擲地 動不動變了猴猴臉

## 上清太玄鑑 誠論

清微藏書閣

道罷了 卻沒一事 似恁麼不乾重 更由自要作神仙 難得你八風  
吹不動 待不語來 和我一場慙悶 似恁麼顛之倒怪 狂心不除  
色心不斷 真似沒翅翎底蜜蜂兒 一甜來 兩甜去 被他糊倒腳手  
整理不得 平地上喫一交 沒奈何推道命不中役轉利漢 豈不聞  
古人言云 萬事不干天與地 自家求死不求生 及至勸著言道神仙  
皆是宿緣 自己無福 卻不道人人有分 箇箇圓明 經云 常無  
欲以觀其妙 常有欲以觀其徼 有欲無欲 皆是人之心也 是謂同  
出而異名 異者 各異也 何以故 常以無欲靜心 明開天眼 認  
取靈虛妙覺 神室光明 孤然獨體 物外飄飄 化箇瑩目天仙 便  
是人人有分 箇箇圓明 道眾 我與你做箇修仙的公案 勿生不信  
子細推尋 今生不了 莫望來生 來則也來裏 知他誰家槽頭尾  
廝溷去邪 不道一失人身 萬劫不復 怕你不信時 沒人處託手  
心頭子細思量去

頌曰

口辯說其功 常居酒色叢 未能通聖教 自己立門風  
性染紅塵裏 身居火院中 臨危一念錯 永劫墮沉空

道眾 然有幾箇修行 離親割愛底 每日家由一似浪驢 不著  
灘蹟 巡庵廝哄 鬥貲合舌 七顛八倒 放軋九百 爭人爭我地  
及至問著 不言不語 詐作好人 又全不說一事 空贏得箇名字  
大爭眼底 雙撞天地也不見 更早說本來面目 不道你本來面目  
是箇甚的物 是瞎畜生 你眼前放箇出路處 不肯尋覓 卻捏怪惑  
人 身則出家 心常在念 向有人處做身做分 及至沒人處 暗地  
裏卻打長出氣 似恁麼不剛志 無決斷 一似打泥母猪 拖泥帶水  
不濟不溜 噯噯啗啗 豈不虛受了十方施主供養 不道你下稍  
著甚填還他 你則有一法 拽犁馱馱 便是你來生因果 及至罵著  
卻道一子出家 諸天送供 道眾 似這般心學道 一似畫底似  
不識羞恥 由自更賣弄 卻道修行 也無言無說 是那箇邪畜生說  
與你來 沒轉利漢 你當年之日出家時 勾幹箇甚麼事來 卻不道  
你性命如何也 便早信人之言 既道無言無說時 這 大藏經 盡  
是誑人邪教 太上曰 吾得真道 非為自然 學而得之 呂公曰  
不因師指 此事難知 既道無言無授 上古聖人亦是謾語 又說我  
清淨無為 便是修行 樂然曰 清淨無為 兩車糞土 你既道不是

上清太玄鑑 誠論

清微藏書閣

糞土時 你渾身上下盡是一堆臭穢蛆食 古頌云 上邊竅 有眇相  
中間竅 有涕唾 下間竅 有屎尿 精津血肉 觔骨皮毛 屎尿  
豈不是穢物蛆食 卻不道修行要真清真淨 真清者 太玄高渺 寂  
湛無形 真淨者 明通法眼 棄假還真 認取本來一點神珠 換釋  
凡胎 棄除濁骨 體若虛空 性同日月 名為清淨 一切穢物並不  
能污染 若論無為 你守那箇無為 每日一似秕穀堆 今澄身打坐  
怒背臉腮 把積古千年閑事盡都思量起來 心上鬧嘈嘈地 更由  
自說無為 你及至十二時中 般柴運水 著衣喫飯 行居坐臥 百  
端動用 怎得無為 又被大小二便蹙你著 又卻早往糞堆頭走 卻  
不道這無為 要認取孤然靈覺 物外天真 明如赫日 光似秋蟾  
射乾坤皎然無物 照天地瑩淨無塵 若達此教 方可是箇清靜無為  
不知聖人正義 卻學乖慵懶惰 一似分界堠子 牽不向前 推不  
向後 沒轉利漢 不知好弱 不辯邪真 我想算上天 也無這般不  
伶俐底神仙

頌曰

真實又何曾 虛脾鬥葛藤 自知巢鴟鷄 豈見海鯨鵬

行短誇機巧 功虧銜己能 不因多諂詐 惡業萬重增  
更有一等不近道理底 庵舍中一似獨活草也 無箇來往 見每  
日家閉門塞戶 見箇送道糧人來 腳手輕便 荒忙迎接 一似猴  
拏得 更由敢對上真無禮 告十方聰明伶俐底君子 待後來見這般  
不曉事漢 後腳踏翻地 著裂鼻木紐起驢脣灌些稀屎 然後著尿衝  
與此輩眾生不通正理 觸污上真

頌曰

蒼生謾一群 逐浪入泥津 挫弱玄元主 葷非太上尊  
不明真正教 自昧入邪門 死受無間苦 剛鋒萬劍身  
道眾 不是我不慈悲 為你不仁 和我忿外 為你畜生見識  
和我待作眾生行當 余今直勸免你後憂 苦口是良藥 逆耳作忠言  
何以故 善言不美 美言不善 直善者獲天堂之福 至惡者遭地  
獄之殃 罪業分明 至在人為 學道抹捷 一刀兩段 斬丁截鐵  
迴心省悟 做箇逍遙自在閑人去 念生死事大 直饒兒女成群 金  
銀滿庫 到頭終是一場落空 這性命之珍 財帛也買不得 這生死  
兒女也替不得 如人上坡 各自努力 至誠謹慎 勿生不信之心

## 上清太玄鑑誠論

清微藏書閣

積功累行 訣正除邪 鍊神合道 道契神真 至玄至妙 至清至  
微 盡其功焉 是謂修行學仙之要也

頌曰

極目見兒孫	金銀滿庫中	一朝生死到	兩事總歸空
聞早尋真路	搜開慧目通	神光輝日燦	飛上太靈宮
又頌曰			
盡在玄元祖	都歸太上宗	頭頭皆受命	物物總相通
包廓乾元象	含容大始中	欲窮知古蒂	認取五明宮

上清太玄鑑誠論竟

天運辛卯年子月正一天師清微弟子洪鼎堅率門人

羅大英 安羅飛恭錄彙編